

Ta ser spera denuncia di presunto violacion contra Joran

ORANJESTAD(AAN)— Ayera anochi den The or'Reilly factor di Fox por a tende con mayornan di un mucha muher americano, (awe 18 aña di edad) cu 3 aña pasa tabata amiga di Joran y cual familia ta convenci cu Joran v.d. Slood ta inocente den e caso di desaparicion di Natalee.

A ser menciona con e hobennan a topa cu otro na piscina di un hotel unda e familia lo tin un Time Share, con Joran a bishita e familia na Merca y tabata tin contacto

cu e mucha muher via E-mail te recientemente. Esaki ta contario di loke a yega tambe na redaccion indicando cu e dlanan aki lo tin un mucha muher di 17 aña cu aparentemente lo denuncia Joran na autoridadnan pa violacion. Segun e informe cu a yega na redaccion, aparentemente tin 3 mucha muher cu lo kier a haci e denuncia aki, pero cu dos di nan ainda no a dicidi, pero cu e otro si tin intencion di haci e denuncia pronto.

Caso Natalee a habri porta riba pantaya pa desaparicionnan

ORANJESTAD(AAN)— Desaparicion di Natalee Holloway a habri porta pa canalnan di television americano tur anochi dedica oranan largo riba desaparicionnan, locual prome cu e caso na Aruba no tabata e caso. Despues cu e caso di Natalee tin cobertura casi tres luna caba tur anochi, mas cobertura cu 11 di september 2001 a haya tras di otro di parti di canalnan americano, awor e canalnan ta dedica hopi na desaparicionnan. Ultimo dos simannan caso di un dama na estado cu a desaparece y cu awor nan lo

tin tata di su yiu deteni ta den noticia.

Tambe tin caso di un miyonario cu a desaparece riba un barco crucero na Europa despues di a festeha den un club nocturno di e barco, cual caso tambe ta hayando cobertura masha hopi riba canalnan.

Otro caso cu tin basta cobertura ta esun di un modelo cu tambe a desaparece algun dia pasa y cu tambe lo a ser mira saliendo di un club nocturno cu un persona cu ta desconoci, ta ser cubri hopi. Awor tin un caso mas di desaparicion cu a yega na

pantayan americano y cu tambe lo bay haya hopi cobertura e tempo aki.

Esaki ta compañero di e cantante Olivia Newton John cu lo a desaparece riba un barco pesquero.

A pesar di tur e casonan aki, e caso Natalee Holloway ta esun cu mas tanto cobertura ta hayando y ayera ta e bishita di su mama na Prome ministro di Aruba tabata esun cu a ser pasa mas tanto.

Sigur ta cu ningun di e casonan presenta actualmente no ta ser presenta cu tanto agresividad manera e caso na Aruba cu ta mas bao di guiyotina cu cualquier di e otro nan.